



Sarajevo, 24.03.2026.godine

**PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r predsjedavajućeg**

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24-03-2026

Organizaciona jedinica	Klasifikaciona oznaka	Redni broj	Broj priloga
01-	50-1-	890-1/26	

PREDMET: Povlačenje inicijative i dostavljanje korigovane verzije

Poštovani,

ovim putem vas obavještavam da povlačim poslaničku inicijativu koja se odnosi na pokretanje procedure za potpisivanje i ratifikaciju Konvencije Vijeća Evrope o manipulaciji sportskim takmičenjima (Macolin konvencija), broj: 01-50-1-890/26 koju sam uputio u skladu sa Poslovnikom Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24, 56/25 i 7/26).

Istovremeno, uz ovaj akt dostavljam korigovanu verziju inicijative, te molim da se korigovana verzija uputi u dalju parlamentarnu proceduru.

S poštovanjem,

Poslanik SDP BiH
Saša Magazinović



Sarajevo, 13.3.2026.godine

**PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r predsjedavajućeg**

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24-03-2026

Organizaciona jedinica	Klasifikaciona oznaka	Redni broj	Broj priloga
01-SD-1		890-1	1/26

Na osnovu člana 166. i 170. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24, 56/25 i 7/26), podnosim poslaničku

INICIJATIVU

kojom se predlaže da Vijeće ministara Bosne i Hercegovine, imajući u vidu dešavanja u domaćem sportu, posebno nogometu, u skladu sa nadležnostima u oblasti međunarodne saradnje pokrene proceduru za potpisivanje i ratifikaciju Konvencije Vijeća Evrope o manipulaciji sportskim takmičenjima (Macolin konvencija), 12 godina nakon što je ova Konvencija usvojena i nakon što je Bosna i Hercegovina ostala među samo 6 država koje nisu potpisale ovu Konvenciju.

Obrazloženje:

Manipulacija sportskim takmičenjima, uključujući namještanje rezultata i druge oblike nelegalnog uticaja na sportska takmičenja, predstavlja ozbiljan izazov za integritet sporta, povjerenje javnosti i fer konkurenciju među sportistima. Upravo s ciljem sistemskog suzbijanja ovih pojava Vijeće Evrope je 2014. godine usvojilo Konvenciju o manipulaciji sportskih takmičenja (Macolin konvencija) koja predstavlja sveobuhvatan međunarodni okvir za prevenciju, otkrivanje i sankcionisanje manipulacija sportskih takmičenja.

Konvenciju je ratifikovao veliki broj evropskih država, uključujući Belgiju, Francusku, Italiju, Norvešku, Portugal, Španiju, Srbiju, Švedsku i druge dok je veliki broj država potpisao ovaj međunarodni instrument. Poseban akcenat stavljen je na saradnju između institucija, sportskih organizacija i priređivača sportskih igara, kao i na razmjenu informacija između nadležnih tijela na državnom i međunarodnom nivou.

Konvencija predviđa niz mjera koje države potpisnice trebaju uspostaviti, uključujući koordinaciju djelovanja institucija vlasti u borbi protiv manipulacija sportskih takmičenja, procjenu i upravljanje rizicima, edukaciju i podizanje svijesti među sportistima i sportskim organizacijama, te jačanje transparentnosti u finansiranju sporta.

Također, konvencija predviđa mjere za regulaciju sportskog klađenja, sprečavanje sukoba interesa, zaštitu internih informacija i sprječavanje zloupotreba povezanih sa klađenjem. Države potpisnice obavezuju se da u svom zakonodavstvu propišu odgovarajuća krivična djela koja se odnose na manipulaciju sportskim takmičenjima uključujući slučajeve kada takve radnje uključuju korupciju, prevaru ili druge oblike nezakonitog djelovanja.

Iako je značajan broj evropskih država već pristupio ovoj konvenciji, Bosna i Hercegovina je ostala među samo 6 država koje još uvijek nisu među njenim potpisnicama. Pokretanjem procedure za potpisivanje i ratifikaciju ove konvencije Bosna i Hercegovina bi napravila važan korak ka jačanju institucionalnog okvira za zaštitu integriteta sporta, unapređenju međunarodne saradnje u borbi protiv manipulacija sportskih takmičenja, te usklađivanju domaćih politika sa evropskim standardima u oblasti borbe protiv korupcije i organizovanog kriminala.

Pristupanjem ovoj konvenciji Bosna i Hercegovina bi dodatno unaprijedila ispunjavanje svojih međunarodnih obaveza u oblasti vladavine prava i zaštite sportskog integriteta, čime bi doprinijela stvaranju sigurnijeg, transparentnijeg i pravednijeg sportskog okruženja, posebno imajući u vidu osjećaj građana Bosne i Hercegovine da manipulacije u sportskim takmičenjima, posebno u nogometu, poprimaju zabrinjavajuće razmjere i da su takve aktivnosti ozbiljno počele uticati na sam integritet sporta. Također je važno napomenuti da je Zakon o sportu definisao da je sport u Bosni i Hercegovini državni interes, te su ga institucije dužne štiti.

Poslanik SDP BiH
Saša Magazinović

